

شهادته حاضیر اولانلار می، یوخسا شییادلار می؟

بیلیندیگی کیمی آذربایجان جومهوریتینده رافیق تقی آدلی یازیچی و آذربایجان جومهوریتی نین وطنداشی اولاراق "صنعت" آدلی بیر ایلیق درگیده اؤز فیکیرلرینی شرق و غرب موضوعلاری اوزره **"Avrupa və Biz"** دئییه "شرق و غرب آراشدیرمالار سلسیله سی" باشلیغی ایله بیر مقاله چاپ ائتدیرمیشدیر. بو آرادا ذات فیکیرلرینی اساسلاندرماغا چالیشارکن ایستر ایستمز ایسلام و مسیحیتی ده سؤز قونوسو ائتمیشدیر. اونون فیکیرلری نین یانلیش یوخسا دوزگون اولدوغو بیر یانا دورسون، اونون فیکیرلرینی تنقید ائتمک یئرینه **پان ایرانستلر ایسلام آدی آلتیندا** آذربایجان جومهوریتی نین نارداران قصبه سینده، آذربایجان وطنداشی اولان **علی اکرام علیزاده** آدلی بیرسی نی آشاغیدا پان ایرانستلرین یازیلاردان گۆره جه گیمیز دک اویونجاق ائده رک اونا اوزدن ایراق شهادت کؤینگگی گئیدیرمه گه و آذربایجان دؤولتچیلیگی علییه قیام ائتدیرمگه حاضیرلاتمیش ایفاده سی نی سرگیله میش گؤرونورلر. بو موضوعا گیرمه دن فارس سیاسی و شوونیستی ادبیاتیندا آذربایجان جومهوریتی نین نه آدلاندیغی نی بیر داها سرگیله مک پیس اولماز دئییه دوشونوروک. علی اکبر ولایتی خارجه ایشلر ناظری اولدوغو زامان یازیلیمیش **"اسنادی از روابط ایران با منطقه قفقاز"** آدلی کتابدان عنایت رضادان نقل اولاراق اوخوبوروق:

"در مورد نژاد و زبان آلبانیان باید گفت که منشأ اقوام آلبانی که در کرانه دریای خزر سکنی داشتند، با منشأ اقوام گرجی و کوه نشینان قفقاز یکی است. همه اینها از زمره آن گروه از اقوامی هستند که به اقوام یافتی شهرت یافته اند"(2).

اوسته کی عیبارتی نظردن کئچیردیکده **"... سکنی داشتند. ... یکی است"** مسئله سی دیققت چکیجیدیر. دئمک مسئله کئچمیش تاریخه دئیینمکدیرسه، یوخاری پاراfrاداکی مرکب اندیملر (فعللر) هر ایکسیسی کئچمیش زامانا دلالت ائتمه لی اولاردی. بئله لیکله **"... سکنی داشتند. یکی بوده است"** یازیلمالیدی. یوخسا اوسته کی عیبارت بوگونکو دوروما ایشارت اولونورسایدی، گئنه ده آدی چکیلن مرکب اندیملر (فعللر) **"سکنی دارند. یکی است"** یازیلمالی ایدی. دئمک اوسته کی عیبارتده **قوزئی آذربایجانلیلارین کئچمیشلرینی جعل ائتمک، قوزئی و گونئی آذربایجان آراسیندا هئچ بیر دیل و مدنیت باغلاری نین اولمادیغینی یالاندان سرگیله مک اوچون مؤلیف گؤستریش آلاق بو تحریفه ال وورموشدور دئییه دوشونمک اولار.**

کئچمیشده قوزئی و گونئی آذربایجانلیلاری بیر بیرلرینه فارس راسیستلری نین اؤزگه یاشاتماق چابالارینا باخمایاراق (3.9-3.) زامان گئدیسی ایله گونئی آذربایجاندا میللی و مدنی حاقلار اوزره ایستکلرین گوجلنمه سی و سیاستین گوندمینه گلمه سی (گونون موضوعسو اولماسی)، فارس تهران حاکیمیتی نی اولدوقجا زور دوروما بوراخمیشدیر. بو آرادا اولار گونئی آذربایجاندا ال آنتی اورقانلاری واسیطه لری ایله ایلك اولاراق اردبیل شهرینده بیر سیرا بالتا ساپی اولموشلار واسیطه سی ایله **"دست پیش گیر تا پس نیفتی"** سیاستی نی یئریتمگه باشلایاراق **"ایران شمالی"** آدیندا بیر درگی یابینلاماغا و خالق ایجتماعتینده میللی و مدنی ایستکلری یانلیش کانالا یؤنلدیرمک

اوچون آذربایجانلیلار آراسیندا یانلیش بیلگی و معلوماتلار اولوشدورماغا چالیشدیلار(4). او اورقاندا موختلیف باهانه لر ایله آذربایجان جومهوریتی نین ایچ ایشلرینه قاریشماق و آذربایجان دؤولتچیلیگی علیهینه فارس حاکیمیتی طرفیندن هیستری یاراتماق آچیقچا گورونمکده دیر. بو اورقانی ایلک یاییلیشی اوزره ایلنا خبرچیلیگیندن اوخوبوروق:

"به گزارش گروه فرهنگ و اندیشه ایلنا، این نشریه بدون ذکر نام و نشانی مدیر مسوول و صاحب امتیاز با تیراژ بالا، در تمامی کیوسک های مطبوعاتی اردبیل منتشر شده است که در مقالات متعددی با عناوین ۲۰۰ سال تلاش دشمنان برای تغییر هویت اسلامی ایرانی مسلمانان قفقاز و ایران شمالی به قلم "هادی اردبیلی"، نامه ای به ایران و همه ایرانی‌ها نوشته "نظامی محمد اف" ترجمه "علیرضا محمدپور حسینی"، ایران ستیزی در کتاب های درسی رژیم باکو به قلم "محمد علی تبریزی"، استقرار پایگاه های نظامی آمریکا در ایران شمالی (جمهوری آذربایجان) گفتگو با حاج "علی اکرام علیزاده"، رهبر حکومت اسلامی ایران شمالی با عنوان ما دوران سختی را می‌گذرانیم، به طور مفصل آورده شده است. گویا این نشریه سیاسی، فرهنگی ایران شمالی (جمهوری آذربایجان) بدون مجوز قانونی انتشار یافته و حتی نام سر دبیر و هیات تحریریه آن نیز جعلی و صوری است. در این نشریه موجودیت جمهوری آذربایجان زیر سوال رفته و سمت و سوی مقالات ذکر شده نشان می دهد که گردآورندگان این نشریه با انتخاب نام ایران شمالی خواهان الحاق جمهوری آذربایجان به ایران هستند."(4)

اوسته کی پاساژدان آیدین اولدوغو کیمی، بو درگی کسب جاوازی اولمادان بوتون کیوسکلارا وئرلمیش. ایراندا مطبوعات اوزره اولان باسقی نی نظره آلاساق بو اورقانی یاییلماسی و کیوسکلارین سس سیزجه بو اورقانی آلاراق خالق ایچره یایماق اوچون قبول ائتمکلی بو اورقانی یاییلدیغی هانکی حاکیمیت و امنیت کانالاریندان سو ایچدیگینی آچیقچا اورتایا قویور. بنله لیکله، اینسانلارین دینی اینانجلاریندان سوء ایستیفاده انده رک آذربایجان جومهوریتی علیهینه باشلانمیش بیر عوامفریب دینی کامپانیانین تانیغی اولوروق. چوخ زامان کنچمه دن گئنه ده بو اورقان آدینا اینتترننت سینته سی آچیلاراق آذربایجان جومهوریتی و دؤولتچیلیگی علیهینه یئریدیلن یالانچی تبلیغات کامپانیاسی نین تانیغی اولوروق. بو اورقاندا گئنه ده درگی بیچیمینده سسلندیردیکلری معلوم الحال **علی اکرام علیزاده** اوزدن ایراق "**رهبر حرکت ایران شمالی**" آدی ایله سرگیلنمیش گورونور.

دئمک، کنچمیشلرده باشقا بیر باهانه اولمادیغی اوچون ائله بیل آمریکا بیرلشمیش دؤولتلی آذربایجان جومهوریتینده نیظامی پایگاه "**ایران اسلام جومهوریتی**" علیهینه یاراتماق ایسته بیر دئییه آذربایجان جومهوریتی نی قونشوسو اولان ایران جومهوریتی علیهینه دوشمنلیک ائتمک ایتتیهامی ایله گوناھلاندیرماغا چالیشیردیرلارسا، بوگون آذربایجان جومهوریتی نی دینسیزلیک ایتتیهامی ایله گوناھلاندیرماغا و خالق ایجتماعیتی نی آذربایجان دؤولتچیلیگی علیهینه خیابانلارا چکمگه چالیشدیقلاری نین تانیغی اولوروق.

اوسته کی پاساژدان بللی اولدوغو کیمی گونئی آذربایجاندا میللی و مدنی ایستکلرین گونده مه گلمه سی (گون موضوعو اولماسی) فارس تهران حاکیمیتی نی هر بیر جنونا ال ووراجاق مقاما گتیریب چیخارمیشدیر. بنله لیکله آذربایجان جومهوریتینده شهروندین بیر مقاله یازماسی آذربایجان حاکیمیتی نین گوروشو کیمی باهانا اندیله رک فارس اورگانلاری گونئی آذربایجاندا آذربایجان حاکیمیتی علیهینه دوشمنلیک کامپانیاسینی جمعه نامازلاری واسیطه سی ایله (تبریزده: محسن مجتهد شبستری) و (اردبیلده: آملی) یولا سالماغا چالیشمیشدیر.

فارس حاکیمیتی بو امام جمعه لر واسیطه سی ایله جماعتی ایستحمار انده بیله جک خیالی ایله بیر یانا دورسون، پان ایرانیستلرین "**ایران شمالی**" آدلی سینته لرینده دورمادان موختلیف موضوعلاری بیریرنه قاریشدیراراق آذربایجان جومهوریتی علیهینه فیکیر اولوشدورماغا تانیق اولوروق. یئری گلیمیشکن بو پان ایرانیستلیک یازی نین بعضی پاساژلارینی بیرلیکده اوخویاق:

"گزارش خبرنگار ایران شمالی از باکو"

رهبر حرکت اسلامی ایران شمالی خطاب به ماموران پلیس باکو: **من آماده شهادت هستم، شلیک کنید...** میدان امام حسین (ع) منطقه نارداران، بار دیگر شاهد تجمع اعتراض آمیز مردم به دلیل اهانت نشریه «صنعت» به ساحت مقدس رسول اکرم (ص) بود. در این تجمع که اغلب اهالی نارداران از پیر و جوان و زن و مرد شرکت داشتند، ابتدا رهبر حرکت اسلامی ایران شمالی سخنرانی کرد. علی اکرام علیزاده با اشاره به فعالان اسلامی که طی سالهای گذشته توسط رژیم باکو به شهادت رسیده‌اند، گفت: ما مسلمان هستیم و می‌خواهیم حکومتی بر اساس احکام و قوانین اسلام در کشور به وجود آید، به دلیل این عقیده بسیاری از فعالان حرکت اسلامی دستگیر و زندانی شده و برخی از آنها به شهادت رسیده‌اند، اما در همین کشور وقتی نشریه‌ای صهیونیستی و پان ترکیستی به ساحت مقدس رسول اکرم (ص) جسارت می‌کند، دولت سکوت می‌کند. (1)

اوسته کی پاساژی اوخودوقدا ایلک اولاراق فارس دیلینده **"ایران شمالی"** آدی ایله تانیس اولدوقدا اینسان بو یازی **"گیلان و مازندران"** ولایتلی اوزره یازلمیش دئییه دوشونه بیلر. بیلیندیگی کیمی فارس ادبیاتیندا ایرانین شمال قیسمتی گیلان و مازندران ساییلار. کنچمیش ایلدرده گونئی آذربایجان اوزو "شمالغرب" آدی ایله فارس ادبیاتیندا گؤستریلمگه چالیشیلمیشدیر. آنجاق خبرین باکیدان وئریلمه سی و بو خبر فارس محورلی اولدوغو اوچون باکیداکی ایران سفیرلیگی نظرده توتولایلر دئییه دوشونمک اولار. بیلیندیگی کیمی گونئی آذربایجانداکی میللی و مدنی حاقلاری فارس راسیستلیک حاکیمیتی وئرمک ایسته مه دیگی اوچون کنچمیش ایلدرده قوزئی آذربایجان جومهوریتی نی آذربایجان دئییل، آران آدلاندیریر و اونلارلا آذربایجانلیلار (گونئیلیلر) آراسیندا هنج بیر میللی و مدنی ایلیشگیلرین اولمادیغینی ایددعا ائدیلمدی. بو آرادا رضا عنایت یازدیغی "آذربایجان و ازان" آدلی کیتابدان دورمادان گونئی آذربایجان ایجتماعیتینه یانلیش بیلگیلر وئرمگه چالیشیلیردی. اوسته ایشاره ائتدیگیمیز دک ایران وزارت امور خارجه اداره سی ده تبلیغات اوچون یاینلادیغی کیتابلاریندا عنایت رضانین فیضینه ناییل اولدوقلارینی راحتجا گؤرمک اولار. آنجاق، فارس راسیستلی نین **"رهبر حرکت اسلامی ایران شمالی"** دئدیکلری شخصین شارلاتانلیق ائده رک آذربایجان جومهوریتینده اعدام (شهید!!!) اولماق ایستگی مسئله سینه گلدیگده بیلیندیگی کیمی آذربایجان جومهوریتی نین قانونلارینا گؤره اورادا اعدام (فارس راسیستلی و پان ایرانیستلرین دئییشینه گؤره حاکیمیت طرفیندن وطنداشین شهید اولما مسئله سی!!!) دئییه بیر مقوله یوخدور. بئله لیکله، پان ایرانیستلر طرفیندن شهادت مقوله سی نین ده لوس اولدوغونا تانیق اولوروق. بونلارا باخمایاراق بیر مقاله یازان وطنداشی آذربایجان قانونلاریندان خارج آذربایجان دؤلتی نیه اعدام ائتمیر دئییه باهانه ائده رک آذربایجان جومهوریتی و دؤلتچیلیگی علیینه تبلیغات ائتمکله مشغول اولان ذاتلار، **اثرمنی داشناقلاری نین، آذربایجانین قاراباغدا "آعدام مسجد" لینه اؤکوز و دونوز باغلاپاراق او مقدس مکانلاری طویله ائتدیکلرینه ندن فارس حاکیمیتی و دین خادیملی سوسموشلار؟، مسئله سی هله ده ایستر تهران رسمی حاکیمیت اورقانلاری، ایسترسه ده دین مقاملاری طرفیندن جاوابسیز قالیر!!**، ایسلام دینی نین اینانجلارینا گؤره مسجد اللهین ائوی دئییل می؟ اوزلرینی دنیا مسلمانلاری نین ولی وکیل ییلن تهرانداکی فارس شیادلاری و اونلارین آذربایجان شهرلرینده کی اویونجاقلاری نه اوچون آذربایجان مسلمانلاری نین مقدس مکانلارینا داشناقلارین اؤکوز و

دونوز باغلا دیقلارینی گۆزمزدن و گونئی آذربایجان ایجتماعیینی ایستحمار ائتمگه چالیشاراق دینی سیاسته اویونجاق ائندیکلریندن چکینمک ایسته میرلر؟ یئری گلیمیشکن آذربایجان جومهوریتی نین آعدام شهرینده کی مسجیدلرین نه گونه دوشدوکلرینی بیر داها سرگیله میس اولاق:

بو مسجیدلری گۆرن مسلمان،
اۆزلیکله دونیا مسلمانلاری
نین ولی وکیلی کیمی
اۆزونو تانیتماغا چالیشان
تهران فارس حاکیمیت
باشچیلاری، ایصطلاحن
ایسلام حاکیمیتی و علی



اکرام علیزاده ذات عالیبری گنرچکدن شهید اولماق و الله اؤز دینی بۇرچلارینی اؤده مک ایسته بیرلرسه، ناردارانین کوچه سینده یالاندان منی قانونسوز اۆلدورون دئییه مسلمانلیق ایددعاسینا قاپیلمالارینا اساس یوخدور. دوغرو دئییرلیرسه، قاراباغی آزاد ائتمک اوچون بیر عۆمور کوفر ائندیکلری ارمیلر الیه شهادت شربتیینی ایچمگی اۆزلری اوچون شرف بیلسینلر!! آذربایجان آناپاساسیندا اعدام قانونون اولمادیغی بیر یانا دورسون، مسلمان مسلمان الی ایله اۆلدورولورسه، شهید ساییلماز!! اوسته گۆردویوموز آذربایجان مسلمانلاری نین مقدس ساییدقلاری مسجیدلردیر. بو آرادا جاوانلاری ائرمنی داشناقلاری ایله شهید اولموش و قاراباغدان ائرمنی داشناقلاری واسیطه سی مغان چۆللی و شهر قیراقلارینا سورگون دوشموش اینسانلارین دا نه دورومدا اولدوغونو گۆز اؤنونه سرگیله مک بیس اولمازدی:

گۆروندوگو کیمی بو
قاچقین لارین
دورومو دا ایستر
اۆزونو
مسلمانلاری نین
ولی وکیلی
تانیتماغا چالیشان



فارس شوونیست حاکیمیت باشچیلاری و ایسترسه ده گۆنئی آذربایجان و آذربایجان جومهوریتینده اونون بالتاسینا ساپ اولموش مفعوللار اوچون ایسلامیت آدینا یاراشاجاق گۆرونولر دئییلدیر!!

دئمک، آذربایجان میلی حرکتی گۆزگو (آینا) کیمی فارس حاکیمیتی و اونون ال آلتی اورقانلاری نین دوه کیمی ایری بویرو اولدوقلارینی گۆستردیکده اونو خیالی باهانالار ایله ازیب سیندیرماغا ائحتیاج گۆرونمور. گونئی آذربایجان خالق ایجتماعییتی تهران فارس حاکیمیتیندن و اونون ال آلتی اورقانلاریندان اۆزلری قبول ائندیکلری قانونلاری نین ایجرا سینینی طلب ائندیکده، بوراسی مسلمان اۆلکه سیدیر دئییه

آذربایجان خالقى نى طبیعى حاقلارینا محروم ائتمک هئچ ده مسلمانلیق و اینسانلیق آدی ایله باغلاشمادیر. پان ایرانست اینترننت سیتة اورقانی گننه ده یازیر:

"رهبر حرکت اسلامی ایران شمالي ضمن اشاره به تجمع دانشجویان تبریز در مقابل کنسولگری رژیم باکو گفت: **من دست و پای آن دانشجویان مسلمان را می‌بوسم که برای حفظ حرمت رسول گرامی اسلام (ص) به رژیم باکو اعتراض می‌کنند.** وي خطاب به رییس دولت باکو اظهار داشت: **آقای الهام علی اف! آیا میدانی سکوت دولت تو به معنای تأیید مندرجات نشریه ضد اسلامی صنعت است؟** علي اکرام علیزاده گفت: **من وقتی از رادیو بیانات آیت الله شبستری امام جمعه محترم تبریز را شنیدم، احساس کردم که اسلام تنها نیست و ما که اکنون در دست يك حکومت لایيك اسیر هستیم، پشتیان معنوي در جهان اسلام داریم...**" (1)

یئری گل‌میشکن دئیلمه لیدیر: فارس حاکمیت اورقانلاری طرفیندن بیر سیرا بسیج قووه لرین تبریز اونیورسیتة اؤیرنجیلری آدینا آذربایجان جومهوریتی قونسوللوغو قارشیسیندا بیغینجاق ائتمه لری و آذربایجان جومهوریتینه اولوم آرزو ائتدیکلری هئچ ده دؤلتلر آراسی نورمالارا باغلاشاجاق دئییلدیر. بیلیندیگی کیمی آذربایجان مطبوعاتى ایران ممالیکی محروسه سینده کی کیمی حاکمیت ایله ایداره اولونمور. اوندان یانا دا بیر یازیچی نین یازیسى، اونون شخصی نظری اولاراق ایران ممالیکی محروسه سى نین ترسینه مطبوعاتدا ایشیق اؤزو گؤره بیلیر. گونئی آذربایجان میلی مسئله سى علیهینه آل وئر ائتمک نیتی ایله باشقا بیر مملکتین وطنداشی نین فیکیرلرینی عثمان کؤینگى ائتمک هئچ ده دؤلتلر آراسى مناسیت لره اویقون گؤرونمور. مطبوعاتدا تخلف مسئله سى نین اولوب اولمادیغى مسئله سینه گلدیکده، قانون اولان مملکتلرده هر شئی مملکت باشجیسى نین بورون سوخماسى لازم گؤرونمز. بیر درگی و شخصیدن کیمسه نین شیکایتی اولارسا، محکمه اورقانلارینا باش وورولار. محکمه کیمین حاقلى و کیمین حاقسيز اولدوغونا داییر قرار وئرر. اوسته لیک **علی اکرام علیزاده** لر اوچون **ایستعمارچیلیق نیتی** ایله شفقت الی اوزادان ایصطلاحاً ایسلام جومهوریتی ندن اؤز مسلمان وطنداشلارینی (تورک، عرب، کورد، بلوچ، تورکمن، لور و ساییره لری) اؤز دیل و مدنیترینه محروم ساخلاباراق اونلاری فارسلاتماق اوچون فارس شوونیستلری نین رولونو اؤز بونونا آلاراق فارس راسیستلری و فاشیستلری کیمی فارس شوونیستلیگینی یایماقدا درى قابیقدان چیخماغی اؤزونه وظیفه بیلیمشدیر؟

قایناقلار:

- 1 ایران شمالي: <http://www.iraneshomali.blogfa.com>
- 2 اداره انتشار اسناد، اسنادی از روابط ایران با منطقه قفقاز، انتشارات وزارت امور خارجه، تهران چاپ اول 1372، صحیفه 65.
- 3 ایشیق سؤنمز، آج تویوغون یوخودا داری گؤرمه حئکایه سى:
<http://www.shamstabriz.com/sonmaz-hekaya.htm>
- 3.1 ایشیق سؤنمز، پان ایرانستلرین عوامفربلیک و تمامیتچیلیک فیکیرلری:
<http://www.shamstabriz.com/sonmaz-avam.htm>

- 3.2 ایشیق سؤنمز، فارس راسیستلیگی نین بالتا ساپلاری:
<http://www.yenises.org/?p=142>
- 3.3 پان ایرانیستلرین میلی کیملیک دئییه ایران مقوله لری:
<http://www.yurd.net/ARTT/2005-10-17.HTM>
- 3.4 ایشیق سؤنمز، پان ایرانیستلرین و فارس شوونیستلری نین ایرانیت مقوله لری:
<http://www.baybak.com/Baybak/?p=788>
- 3.5 ایشیق سؤنمز، آذربایجان میلی مسئله سی و حزب کمونیست کارگری (2):
<http://www.baybak.com/Baybak/?p=788>
- 3.6 ایشیق سؤنمز، فارس راسیستلیگی یوخسا ایرانیت مقوله سی:
<http://azadtribun.net/x555.htm>
- 3.7 ایشیق سؤنمز، فارس مفکوره لی ایرانشناسلار می یوخسا تولکونون قویروق سایدیغی قویروقلار می؟
http://www.azerbaycansesi.com/yazilar/juli/sonmez_fm.htm
- 3.8 ایشیق سؤنمز، ایران ممالیکی محروسه سینده میلی مسئله، شوونیست میلی و
تمامیتچی قوه لرین بو مسئله یه یاناشمالاری: <http://www.shamstabiliz.com/sonmaz-iran1.htm>
- 3.9 ایشیق سؤنمز، آذربایجان تجددودلوک حرکتیندن ایران ایسلام جومهوریسینه کئچیت یوللارا
باخیش! <http://www.baybak.com/Baybak/?p=388>
- 4 ایلنا خبر آگنتلیگی: Tue / 04 07 2006 ، ایران شمالی:
[/http://www.iran-emrooz.net/index.php?/news2/more/9153](http://www.iran-emrooz.net/index.php?/news2/more/9153)

ایشیق سؤنمز 19.11.2006